

鄧小巧加盟英皇娛樂後的首個個人音樂會《I'm here Live 2025》前日於麥花臣場館舉行頭場演出，除了外籍老公白先生外，還有英皇老闆楊受成、歌手李幸倪、海兒、泳兒等捧場。小巧坦言人望高處，希望下一站在紅館開騷，笑言屆時除了唱歌外，更會表演耍雜技，因現在做歌手要周身刀張張利！



■鄧小巧率領個唱團隊跟全場大合照。

輕鬆打側手翻 唔敢同 Twins 比較

吊威咁耍雜技 小巧下一站紅館

■減磅成功的小巧輕易打側手翻。



鄧小巧一口氣連唱9首歌，現場掌聲不斷，她用紙巾拭淚後說：「你哋唔好整喊我，你哋都知我幾眼淺。冇諗到聽到你哋嘅掌聲會咁激動。無論你之前有冇睇過我嘅表演，都好多謝你哋嚟我嘅音樂會。」此時有男觀眾大叫：「你好靚呀！」她開心說：「我覺得呢句要翻譯畀我老公聽，其實佢今晚都聽唔明，幾慘㗎！」

之後小巧唱《兩溝》時打側手翻，引來全場「嘩」聲四起，她笑言：「我相信英皇娛樂擁有香港識得打側手翻最多女歌手嘅公司，根據非正式統計，老闆楊博士係咪好鍾意簽識打側手翻嘅人？可能以後加入呢間公司要識打側手翻。講笑咋，希望大家睇得開心啦！」Encore 環節，觀眾大叫希望她唱《半杯水》，小巧說：「老老實實，我會找數，如果我上紅館！即係咁，今晚啲歌都好難唱，唱番首舒服啲得唔得？」最後她唱《將沙拋給一片海》和《雲吞》為音樂會作結。

多謝老公幫忙 成功減磅

小巧完騷後受訪，提到她輕易打側手翻，她表示小時候愛跳繩，拍《四大發明》MV時亦有跳現代舞，雖然自認筋骨柔軟，但不敢跟 Twins 作比較。她特別感謝老公經常陪行山，以及逼她每日行一萬步及食維他命補充劑，成功減了幾Kg，令身體更健康。

提到她的舞姿很性感，老公可有見過她性感一面？小巧笑言：「結婚咁耐也都見過晒啦！不過我哋屋企練舞會覺得尷尬，老公望住就唔想跳，會匿喺房練習。（下一站紅館開騷？）希望啦！人望高處，到時會表演吊威咁、擰腿同拱橋，跳火圈就講笑喇！可以耍雜技，依家歌手淨係唱歌唔夠㗎！」

■鄧小巧出名唱得，原來舞功亦很高強。

衛蘭憑歌寄意 唱出「最好」感受

衛蘭(Janice)日前推出全新粵語歌《The Best Version Of Me》，她透露創作這首歌時，一直思考「最好」這個命題，無論經歷過多少高山低谷，或者走過多少繁華大地，能經歷和擁有的過程已是「最好」。為拍攝這首歌的MV，Janice特別找來著名舞台劇演員邵美君學戲，學習如何培養和保持演出的情緒。她亦邀得楊淇合演MV，飾演好姊妹，兩人首次合作十分愉快，希望將來再有機會合作。

正積極籌備「OUT OF FRAME」世界巡迴演唱會的Janice，自新年後已埋首綵排和舞台創作，她表示：「呢首歌係我對生命嘅一種感受，如果時間壓縮到尚餘一個呼吸，就想鼓勵大家專注眼前當下，呢一刻就係最好嘅自己，令大家都能夠喺音樂搵到共鳴同鼓舞。」



■衛蘭(左)與楊淇飾演兩姊妹。

楊丞琳為靚衫犧牲美食

日前楊丞琳接受TVB娛樂新聞台節目《StarTalk》主持許文軒訪問，大談相隔7年再度來港開騷的感受。她笑言為了巡演苦練馬甲線：「成個巡唱自己食好少，因為開場嗰套衫要好弗先得，所以平時做咗好多『變態』嘅運動，食嘢亦都『變態』地少，依家一日一餐，大概一個拳頭嘅蛋白質，兩個拳頭嘅素菜，澱粉質就半個饅頭，習慣咗22個鐘唔食嘢都唔肚餓。不過我好掛住香港嘅甜品、瀨尿蝦同橋底辣蟹，全部冇得食！要同自己講專心做騷，着靚衫係要犧牲。」



■楊丞琳跟許文軒暢談來港開騷感受。

阿姐童心未泯扮「孖腸」

汪明荃(阿姐)與周嘉洛日前出發往澳洲阿德萊德拍綜藝節目《帶阿姐看世界》，兩人到當地知名景點德國邨遊覽時，在一間特色糖果店買了包裝有趣的「嘴唇糖」，由於設計太特別，阿姐童心大發，與嘉洛仔齊齊咬「嘴唇糖」扮「孖腸」合照。另外，兩人出發前在機場接受無線娛樂新聞台訪問，嘉洛仔笑言為了着靚衫襯阿姐，特別花了6小時在家中襯衫。向來深受小朋友歡迎的他，當日在機場被大批小朋友要求合照，他有求必應，場面熱鬧。



■阿姐與嘉洛仔咬著「嘴唇糖」合照。